

Kantonalno javno komunalno preduzeće
„GRADSKI SAOBRAĆAJ“ d.o.o. Sarajevo
ul. Srđana Aleksića br 1, 71000 Sarajevo

UPAVA PRERDUZEĆA

Broj: 04/39

Datum: 09-02-2024

Na osnovu člana 69. stav (1) tačka b) i stav (2) tačka d), člana 70. stav (1), (3) i (6) Zakona o javnim nabavkama BiH („Službeni glasnik BiH“ broj 39/14 i 59/22), člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, nakon provedenog Otvorenog postupka javne nabavke: **“Transport doniranog tramvaja iz Turske (utovar, transport i istovar)”**, Obavještenje o javnoj nabavci broj: Obavještenje o nabavci broj: 257-7-2-178-3-239/23 objavljeno je na Portalu javnih nabavki dana 24.11.2023 godine i sažetak Obavještenja u „Službeni glasnik BiH“ broj 81 od 01.12.2023 god., na preporuku Komisije za javnu nabavku date u Zapisniku o pregledu i ocjeni ponuda broj: 670/2 od 22.01.2024 godine i Preporuke o Poništenju postupka nabavke broj: 670 od 22.01.2024. godine, Uprava preduzeća donijela je

ODLUKU

o poništenju postupka nabavke :

“TRANSPORT DONIRANOG TRAMVAJA IZ TURSKE (UTOVAR, TRANSPORT I ISTOVAR)”

Član 1.

Prihvata se Preporuka Komisije za nabavke broj: 670 od 22.01.2024. godine i Poništava se postupak javne nabavke usluge: „TRANSPORT DONIRANOG TRAMVAJA IZ TURSKE (UTOVAR, PREVOZ I ISTOVAR)“, iz razloga što nijedna od primljenih ponuda nije prihvatljiva, odnosno ponude ponuđača ne ispunjavaju uslove iz tenderske dokumentacije, te primjenom Člana 69. stav (2) tačka d) Zakona o javnim nabavkama, Ugovorni organ poništava postupak javne nabavke.

Član 2.

Zadužuje se Odjeljenje javnih nabavki da ovu Odluku dostavi ponuđačima - učesnicima u postupku nabavke najkasnije u roku 7 (sedam) dana od dana donošenja ove odluke preporučenom poštom ili neposredno, u skladu sa članom 71. stav (2) Zakona o javnim nabavkama.

Član 4.

Ova odluka stupa na snagu danom potpisivanja i bit će objavljena na službenoj web-stranici Ugovornog organa, www.gras.ba, istovremeno s upućivanjem iste ponuđačima koji su učestvovali u predmetnom postupku javne nabavke u skladu sa članom 70. stav (6) Zakona o javnim nabavkama.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je u skladu sa odredbama Zakona o javnim nabavkama BiH („Službeni glasnik BiH“ broj 39/14 i 59/22), na osnovu Odluke o dopuni Plana nabavke roba, usluga i radova i Odluke o pokretanju postupka javne nabavke broj: 04/493 od 10.08.2023 godine pokrenuo je postupak javne nabavke **“Transport doniranog tramvaja iz Turske (utovar, transport i istovar)”**. Za predmetnu nabavku predviđeno je zaključenje Ugovora o javnoj nabavci sa najuspješnijim ponuđačem, a u skladu sa članom 72. stav (2) Zakona o javnim nabavkama.

Vrijednost nabavke bez PDV-a procijenjena je na iznos 90.000,00 KM.

Javna nabavka je provedena putem Otvorenog postupka javne nabavke. Kriterij za dodjelu ugovora: Ekonomski najpovoljnija ponuda

Obavještenje o nabavci broj: 257-7-2-178-3-239/23 objavljeno je na Portalu javnih nabavki dana 24.11.2023 godine i sažetak Obavještenja u „Službeni glasnik BiH“ broj 81 od 01.12.2023 god.

U skladu sa Članom 16. Zakona o javnim nabavkama predmetni postupak nije podjeljen na LOT-ove jer isti ne može biti predmet podjele jer se radi o nabavci jedne vrste usluge koja se ne može podijeliti na osnovu objektivnih kriterija, npr. prema vrsti, karakteristikama, namjeni, mjestu ili vremenu ispunjenja.

Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, upućeni e-mail zahtjevi za dostavljanje informativne ponude i svi dokumenti uloženi u predmet nabavke.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje tendersku dokumentaciju su preuzela četiri potencijalna ponuđača. Od strane potencijalnih ponuđača nije bilo postavljanja pitanja, odnosno nisu tražili pojašnjenja tenderske dokumentacije.

Komisija za izradu tenderske dokumentacije i provođenje postupka javne nabavke (u daljem tekstu Komisija) menovana je Odlukom Uprave preduzeća broj: 04/595 od 18.10.2023 godine.

Na protokol Ugovornog organa, u ostavljenom roku za dostavljanje ponuda, blagovremeno su pristigle dvije ponude i to ponude ponuđača:

1. „EURO LIMUN“ d.o.o. Doboj, ul. Ozrenskih srpskih brigada br. 120, 74000 Doboj, zaprimljena pod brojem 12951 dana 18.12.2023. godine
2. „BUNDAVICA“ d.o.o. Tuzla ul. Bosne Srebrene br 56 75000 Tuzla, zaprimljena pod brojem 12952 dana 18.12.2023. godine

U ostavljenom roku za otvaranje ponuda Komisija za nabavku je dana 18.12.2023 godine blagovremeno i pravilno izvršila javno otvaranje dostavljenih ponuda i sačinila Zapisnik sa otvaranja ponuda. Zapisnik je putem e-maila dostavljen ponuđačima koji su dostavili ponude.

Nakon javnog otvaranja Komisija za nabavku je pristupila pregledu prispjelih ponuda i ocjene dostavljenih dokumenata – kvalifikacija ponuđača. Pregledom zaprimljenih ponuda, odnosno dostavljene dostavljene dokumentacije Komisija za nabavku je sačinila Zapisnik o ocjeni ponuda broj: 670/2 od 22.01.2024 godine u kojem je utvrđeno sljedeće:

- Na protokol Ugovornog organa blagovremeno su pristigle 2 (dvije) ponude;
- nije bilo neblagovremeno zaprimljenih ponuda.
- Ponude ponuđača su nepotpune i ne ispunjavaju zahtjeve tražene tenderskom dokumentacijom,
- nijedna od primljenih ponuda nije prihvatljiva

Komisija za nabavku je u postupku evaluacije ponuda redosljedom kako su zaprimljene utvrdila sljedeće:

1. **Ponuda ponuđača „EURO LIMUN“ d.o.o. Doboj je nepotpuna jer ponuđač nije ispunio sve uslove za kvalifikaciju tražene tenderskom dokumentacijom, odnosno u svojoj ponudi:**

- 1) **nije** dostavio tenderskom dokumentacijom traženi obrazac Aneks 4: „Povjerljive informacije“.
- 2) Nakon detaljnog pregleda ponude ustanovljeno je **da** dostavljena fotokopija Aktuelnog izvoda iz sudskog registra broj: 60-0 RegZ-23-001468 od 10.10.2023 godine koji nije na propisan način ovjeren odnosno pečat ovjere se nalazi na četvrtoj strani pomenutog dokumenta, a **da** nije stavljen pečat na spoj stranica kako bi se potvrdila vjerodostojnost ovjere svih stranica
- 3) Osim navedenog potvrda ovjere predmetnog izvoda nije popunjena na način definisan važećim Zakonom o ovjeravanju potpisa, rukopisa i prepisa jer u istoj nije upisan broj stranica koje su ovjerene

Komisija je zaključila da ponuđač nije ispunio zahtijevano tenderskom dokumentacijom, te u skladu sa Članom 68. Stav (4) tačka i) Zakona o javnim nabavkama BiH, („Službeni glasnik BiH“ br39/14 i 59/22) Ponuda nije potpuna i ne ispunjava zahtjeve iz tenderske dokumentacije, te se ista odbacuje.

2. Ponuda ponuđača „BUNDAVICA“ d.o.o. Tuzla je nepotpuna jer ponuđač nije ispunio sve uslove za kvalifikaciju tražene tenderskom dokumentacijom, odnosno u svojoj ponudi:

- 1) nije dostavio original ili ovjerenu kopiju dokaza o registraciji u odgovarajućem profesionalnom ili drugom registru u zemlji u kojoj su registrovani.
- 2) Ponuđač „Bundavica“ d.o.o. Tuzla dostavio je u svojoj ponudi fotokopiju Rješenja o izmjenama podataka broj: 032-0 Reg 23-001855 od 12.12.2023. godine koje nije ovjerio na način definisan važećim Zakonom o ovjeravanju potpisa rukopisa i prepisa u smislu odredaba člana 2. 2a i 4 navedenog zakona.

Komisija je zaključila da ponuđač nije ispunio zahtijevano tenderskom dokumentacijom, te u skladu sa Članom 68. Stav (4) tačka i) Zakona o javnim nabavkama BiH, („Službeni glasnik BiH“ br 39/14 i 59/22) Ponuda nije potpuna i ne ispunjava zahtjeve iz tenderske dokumentacije, te se ista odbacuje.

Na osnovu navedenog Komisija za nabavku je sačinila Zapisnika o ocjeni ponuda broj 670/2 i Preporuku o poništenju postupka nabavke broj: 670 od 22.01.2024 god. u kojima predlaže da se u skladu s članom 69. stav (1) tačka b) Zakona o javnim nabavkama, u postupku javne nabavke: **“TRANSPORT DONIRANOG TRAMVAJA IZ TURSKE (UTOVAR, TRANSPORT I ISTOVAR)” donese odluka o poništenju postupka nabavke jer nijedna od primljenih ponuda nije prihvatljiva.**

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik.

Komisija je u svom radu u potpunosti poštivala Zakon o javnim nabavkama BiH i podzakonske akte, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji.

Kako su u postupku nabavke **“TRANSPORT DONIRANOG TRAMVAJA IZ TURSKE (UTOVAR, TRANSPORT I ISTOVAR)”** u ostavljenom roku pristigle dvije ponude ali se iste ne mogu prihvatiti jer nijedna ponuda nije potpuna i ne ispunjava zahtjeve iz tenderske dokumentacije te su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama BiH donesena je odluka kao u dispozitivu.

POUKA O PRAVNOM LIJEKU

U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).



Za Ugovorni organ
V.d. Generalni direktor
Mr. Senad Mujagić

Dostaviti:

1. „EURO LIMUN“ d.o.o. Doboj, ul. Ozrenskih srpskih brigada br. 120, 74000 Doboj,
2. „BUNDAVICA“ d.o.o. Tuzla, ul. Bosne Srebrene br. 56, 75000 Tuzla
3. UPRAVA PREDUZEĆA
4. Odjeljenje javnih nabavki (u spis)
5. Odjeljenje javnih nabavki
6. Interna revizija
7. Arhiva